

9 maí 2016.

Fundur nr. 9 í aðalstjórnar Vestra, kl 17.00 í Háskólastrinu.

Mættir eru; Hjalti Karlsson, Guðfinna Hreiðarsdóttir, Sigurður Jón Hreinsson, Gísli Jón Hjaltason Sólrun Geirsdóttir og Guðni Guðnason.

Gengið til boðarar dagskrár:

1. Samkeppni um merki.

Eftirfarandi merki voru sett í kosningu á vef BB.IS.



Nú liggur fyrir niðurstaða í kosningunni og er hún eftirfarandi:

Tillaga nr. 3 47%. V með hring. Birgir Örn Breiðfjörð (Sigurjóns)

Tillaga nr. 2. 39%. Örninn. Guðjón Davíð Jónsson

Tillaga nr. 1. 14%. Refurinn. Guðjón Davíð Jónsson

Hjalti hefur verið í sambandi við Birgir um frekari útfærslu á merkinu. Jafnframt var strax þann 4 maí, haft samband við alla stjórnarmenn um hvort að knattspyrnudeild væri heimilt að láta setja merkið á búningana, en þeirra fyrsti leikur í deildarkeppni Íslandsmótsins var á liðinni helgi. Merkið verður unnið einhvað frekar, áður en endanleg niðurstaða verður kynnt. Hönnuður og stjórn munu vinna það að einhverju leiti saman.

2. Fjármál aðalstjórnar. Félagið er komið með kennitölu og búið er að stofna bankareikninga í Landsbankanum og í Íslandsbanka. Næsta mál á dagskrá er að fá innlagðar gjafaloforð til félagsins og fá senda reikninga frá merkjahönnuðum og annað tengt kosningu á litum og merki félagsins. Félagið er með skráð lögheimili á Torfnesi. Gjaldkera falið að opna pósthólf á nafni félagsins.
3. Reglugerð fyrir körfuknattleiksdeild. Lögð fram drög að reglugerð fyrir körfuknattleiksdeild. Stjórnarmönnum gefinn kostur á að lesa yfir fyrir næsta fund.
4. Aðgengi aðalstjórnar að búningum félagsmanna fyrir auglýsingar. Þurfum að ræða við forsvarsmenn deilda um að fá frátekið pláss á keppnisbúningum, fyrir auglýsingar frá styrktaraðilum til að fjármagna rekstur aðalstjórnar. Verður fyrst kynnt fyrir hverri deild og síðan væntanlega tekið fyrir á deildar-formannafundi.

Önnur mál

5. Litir keppnisbúninga.

Rætt aðeins um keppnisbúninga meistaraflokks karla, sem kepptu sinn fyrsta deildarleik í nýjum búningum með merki félagsins. Búningarnir eru frá Jako og eru víst glettilega flottir og nokkuð nálægt því sem var niðurstaða kosningarinnar.

6. Fjáröflun deilda. Borist hefur fyrirspurn um leyfi til fjáröflunar frá 4 flokki drengja í knattspyrnu. Áhugi er fyrir um að bjóða til sölu Buff með merki félagsins. Stjórnin tekur jákvætt í erindið en Guðfinnu er falið að kanna hvernig slíkum málum er háttað hjá öðrum félögum. Spurning hvort að þetta skarast á við möguleika aðalstjórnar um fjáröflun. Mögulega væri þessum flokki gefin heimild til að nota þessa fjáröflun fram að þeirri ferð sem fyrirhugað er að fara í, sem verður í knattspyrnuskóla Bobby Charlton í Bretlandi.
7. Skýrsla knattspyrnudeildar um mögulegt knattspyrnuhús. Síðasta árið hefur verið starfandi hópur sem mun bráðlega skila skýrslu um mögulega byggingu knattspyrnuhúss, þarfagreiningu og frekari skipulagningu á Torfnessvæðinu. Stefnt að því að halda kynningarfund um málið á næstu dögum.
8. Héraðsþing HSV. Héraðsþing HSV verðir haldið miðvikudaginn 18 maí, kl 18.00 í Stjórnsýsluhúsinu á Ísafirði. Staða félagsins og gömlu félaganna á þessum fundi er mjög á reiki og óvíst hvort að einhver núverandi stjórnarmanna í Vestra hafi kjörgengi á fundinum.

Fundi slitið kl 18:36

Fundargerð ritaði Siggí Hreins